



Ayuntamiento de
Pamplona
Iruñeko Udala

**ORDENANTZA FISKALAK ETA
PREZIO PUBLIKOAK ERREGULATZEN
DITUZTEN ARAUAK
2018. URTEA**

UDALAREN KIROL INSTALAZIOAK ETA ESKOLETAKO ARETO ETA INSTALAZIOAK ERABILTZEKO PREZIO PUBLIKOAK ERREGULATZEN DITUEN ARAUA

2. araua

Oinarria

1. artikulua.- Ordainarazpen hau Nafarroako Toki Ogasunei buruzko 2/1995 Foru Legearen lehen tituluko III. kapituluko 2. saileko 2. azpisailean xedatutakoari jarraikiz eta haren 28. artikuluan ageri den baimenaren babesean ezarri da.

Kontzeptua

2. artikulua.- 1) Arau honetan ezarritako prezioak eskatzen dira Udalaren kirol-instalazioak eta eskoletako aretoak eta instalazioak kirolaren, kulturaren, hezkuntzaren, gizartearen zein komunitatearen, politikaren eta erlijioaren esparruetako bilerak eta irabazi-asmorik gabeko jarduerak egiteko erabilera baimenduaren ondorioz irabazi-asmorik gabeko pertsonen eta entitateen eman beharreko zerbitzuen truke.

Nolanahi ere den, eskoletako instalazioak erabiltzeko ezinbesteko baldintza izanen da ikastetxeek instalazio horiek behar ez izatea beren jarduerak egiteko eta beharrak asetzeko, eta tokia eskatutako jarduera egiteko aproposa izatea.

2) Oro har, eta Udal-zerbitzuek egin beharreko erabileretan izan ezik, ez da baimenik emanen halako instalazioak erabiltzeko kasuan kasuko lokal edo instalazioko udal-langileen lan-ordutegitik at edo udako oporretan arratsaldean egin nahi diren jardueretarako. Lan-ordutegi hori kasuan kasuko urtean indarra duena izanen da, organo eskudunak onetsitako egutegiarekin bat.

3) Ikasturte-bukaerako festen kasuan, ikasturte-bukaerako bazkariak barne harturik, zein ikastetxe publikoek eta IGEek antolatutako bestelako festen kasuan, eskolako guneak erabiltzeko baimena eman daiteke, baldin eta ekitaldiak kasuan kasuko ikastetxeko zuzendaritza-taldeak onetsiak badira eta eskabidea Udalarari aurkezten bazaio ekitaldiak noiz diren eta gutxienez zazpi egun lehenago.

4) Edonola ere, lagapenaren baldintzak dagokion organo eskudunak onetsiko duen baimenean zehaztuko dira, eta baimen horretan arautzen ahalko da eskatzailearen betebeharra, berme nahikoa eratzeko, lagatutako instalazioetan gerta daitezkeen suntsipenari edo narriadurari erantzute aldera. Hala gordailua itzultzeko nola hura onartutako erantzukizunei aplikatzeko, txostena egin beharko da aurrez, erabili diren instalazioak eta lokalak nola gelditu diren azalduta.

Ordaintzeko betebeharra

3. artikulua.- 1) Udalak instalazioak eta lokalak erabiltzeko nor baimendu eta pertsona edo entitate horiek guztiak izanen dute ordaintzeko betebeharra.

2) Ez da prezio publikorik eskatuko, pertsona edo entitate eskatzaileak justifikatzen badu honako kasu hauetako bat gertatzen dela:

a) Ohiko eskola- eta kirol-jardueretarako erabiltzen diren kasuan, baldin eta jarduerak kasuan kasuko ikastetxeko IGEak –bere helburu eta jardunen baitan– edo Udalak berak sustatuak badira, salbuespen gisara beste ikastetxe bateko patioaren erabilera baimentzen den kasua barne hartuta.

b) Kirol-instalazioak kirol-federazio batek edo horren pareko batek erabili behar baditu, baldin eta erabilera hori Iruñeko Udalarekin egindako hitzarmen jakin baten ondorioa bada.

c) Beren estatutuetan helburu gisa honako hauen interesak defendatu eta sustatzea jasota dituzten fundazioak eta elkarteak: beren baitan beste pertsonak hartzen dituzten familiak zein familia horiek hartutako pertsonak eta terrorismo-ekintzak edo genero-indarkeria pairatu dituzten biktimak, eta Giza Eskubideen defentsa eta sustapena, besteak beste, emakumeen eta gizonen arteko berdintasuna.

d) Lokalak edo instalazioak Nafarroako Gobernuaren ardurapean erabiltzearen truke, Udaleko organo eskudunak interesekoa jotzen badu egin beharreko jarduera.

e) Lokalak eta instalazioak beste zenbait entitatek erabiltzen badituzte, betiere Udalak haiekin elkarlanean jardun eta hala erabakitzen duen kasuan.

f) Lokalak eta instalazioak auzo- eta gazte-elkarteek, kultur koordinakundeek, festa-batzordeek eta irabazi-asmorik gabeko entitateek erabiltzen badituzte.

Kudeaketarako eta diru-bilketarako arauak

4. artikulua.- 1) Kirol-instalazioak noiz edo noiz erabiliz gero, prezio publikoa kirol-instalazioak erabiltzeko lagapenaren jakinarazpenean adierazitako moduan ordaindu beharko da.

2) Eskoletako aretoak eta instalazioak noiz edo noiz erabiliz gero, areto eta instalazio horiek noiz erabiltzeko diren eta, gutxienez, 7 egun lehenago aurkeztu beharko dira haiek erabiltzeko eskabideak, eta arrazoi nahikoa izanen da erabilera ukatzeko erabiltzeko eskaera gutxieneko epe hori bete gabe aurkeztea. Prezio publikoa Udaleko Diruzaintzan ordaindu beharko da, betiere aretoa edo instalazioa erabili baino lehen, eta behin Udalak espresuki erabiltzeko baimena eman eta gero. Udaleko Diruzaintzak ordaindu izana ziurtatzeko agiria emanen du eta agiri hori kasuan kasuko areto edo instalazioaren arduradunari aurkeztu beharko zaio, baimendutako erabileraren baldintza gisara.

3) Artikulu honetan araututakoaren ondorioetarako, erabilera-eskaera bat noiz edo noizkotzat joko da erabilera hori hilabete bat baino laburragoa den epe baterako bada.

5. artikulua.- Kirol- eta eskola-aretoak eta -instalazioak modu jarraian erabiltzeko, horiek noiz erabiltzen hasiko eta, gutxienez, 30 egun lehenago aurkeztu behar da erabilera-eskaera. Prezio publikoa kirol-instalazioak erabiltzeko

lagapenean adierazitako moduan ordaindu beharko da Udaleko Diruzaintzan, Diruzaintzak ordaindu izanaren agiria emanen duelarik.

6. artikulua.- Instalazioetan dauden bitartean, instalazioak edo lokalak erabiltzeko txartelak edo baimenak beren gainean eraman beharko dituzte erabiltzaileek, instalazioen arduradunek halakorik eskatuz gero haien eskura jartzeko aldera.

7. artikulua.- Udaleko kirol-instalazioak erabiltzeko lagapena jaso dutenek, bertan ikusleak ekartzen dituzten jarduerak burutzeko, sarreraren prezioak arautzen ahalko dituzte, jarduerak kirolekoak izan ala ez.

Tarifak

8. artikulua.- Aplikatu beharreko tarifak Arau honen eranskinean daude jasota, eta barne hartuko dute, behar izanez gero, Balio Erantsiaren gaineko Zergaren kuota.

9. artikulua.- Baldin eta eskatzaileek Arau honen eranskinaren 2.4 epigrafean jasotako murriztapenen onuradun izan nahi badute, agiri hauek aurkeztu beharko dituzte nahitaez:

a) Murriztapena familia ugaria izateagatik jasotzeko, familia ugariko titulua, betiere, familia ugarietarako buruzko 20/2003 Foru Legean –zeina maiatzaren 18ko 6/2005 Foru Legeak aldatu baitzuen– ezarritako definizioarekin bat. Familia gurasobakarren kasuan murriztapena jasotzeko, Udalak ofizioz egiaztatuko ditu eskatzailearen erroldako datuak, betiere pertsona horrek baimena emanda, aurrez.

b) Murriztapena familiaren diru-sarrerak direla medio jasotzeko, familia-unitateko kideek urtean jasotako diru-sarrera gordin guztien aitorpen justifikatua eta halakorik egiteko betebeharra duten kideen PFEZren gaineko aitorpena, eskaera noiz egin eta jada data horretan aurkezteko epea amaiturik duen ekitaldiari dagokiona.

c) Murriztapena desgaitasuna dela medio jasotzeko, agiri ofizial bat, non jasoko baita eskatzaileak % 33ko desgaitasuna edo handiagoa duela, edo ezintasun iraunkorra zein elbarritasuna dela bide administrazio publikoen diru-prestazioak jasotzearen gaineko egiaztagiria.

d) Murriztapena terrorismo-ekintzen biktima izateagatik jasotzeko, biktimaren izaera aitortzen duen administrazio-ebazpena edo epaia, eta biktima batekin ahaidetasun-harremanik izanez gero, hori egiaztatzen duen agiria.

e) Murriztapena genero-indarkeriaren biktima izateagatik jasotzeko, hori aitortzen duen epaia, eta biktima batekin ahaidetasun-harremanik izanez gero, hori egiaztatzen duen agiria.

f) Murriztapena familiek beren baitan beste pertsona batzuk hartzeagatik jasotzeko, familia-harrera formalizatzen duen agiria edo hura erabaki duen administrazio-ebazpena edo epaia.

10. artikulua.- Tarifa-eranskineko II.4.3 epigrafean xedatutako murriztapenak zehazteko, honako kontzeptu hauek joko dira oinarri:

a) Familia-unitatea: Prezio publikoa kalkulatzeko, PFEZren gaineko indarra duten arauetan xedatutako familia-unitatea hartuko da aintzat.

b) Errenta: PFEZren gaineko aitorpena edo likidazioa egiteko betebeharra duten familia-unitateko kideen azken aitorpena edo likidazioa hartu, eskaera noiz egin eta data horretan jada aurkezteko epea amaiturik duen ekitaldiari dagokiona, eta haren zerga-oinarriaren alde orokorra eta aurrezkiaren likidazio-oinarri berezia batuko dira, eta emaitzari salbuetsitako prestazioen edo errenten zenbatekoa gehituko zaio. Ez dira salbuetsitako prestazio edo errentatzat hartuko Pertsonen Autonomiarako Nafarroako Agentziak familian mendekotasun egoeran bizi diren pertsonak zaintzeko emandako laguntzak. Erabiltzaileek PFEZren gaineko aitorpena egin behar ez izatera, datu fiskaletan jasotako diru-sarrera gordin eguneratuenak hartuko dira kontuan.

c) Errenta garbia: Errenta garbia kalkulatzeko, aurreko puntuan zehaztutako errentaren eta gastu kengarrien diferentzia aterako da.

d) Gastu kengarriak. Honako hauek:

1. Ohiko etxebizitzako gastuak (muga: 400 €):

- Ohiko etxebizitzaren, apartamentu babestu publiko baten edo antzeko beste zerbaiten alokairua.
- Ohiko etxebizitza erosteko maileguaren amortizazioa.
- Ohiko etxebizitza egokitzeko edo birgaitzeko lanek sortutako gastuak.

2. Langileak kontratatzeako gastuak gizarte- eta osasun-egoera dela medio halakorik behar duten pertsonen beren etxeetan jarraitu dezaten arreta pertsonala jasotzen, betiere hori guztia frogatzeko modukoa izanda, dela mendekotasuna aitortzeko ebazpen baten bidez, dela Udaleko gizarte-zerbitzuek egindako txosten baten bitartez (muga: 700 €).

3. Eguneko zentroetako egonaldi-gastuak (muga: 400 €) edo egoitza geriatrikoetako egonaldi-gastuak (muga: 1.000 €)

11. artikulua. Tarifa-eranskineko II.4.3 epigrafeko murriztapenak aplikatzeko, ofizioz egiaztatuko dira ikasleen datu fiskalak, betiere interesdunek aurrez baimena emanda. Datu horiek jasota izan ezean, hileko *per capita* errenta garbia zenbatzeko gastu kengarrien gaineko informazioa emanen zaie erabiltzaileei, justifika ditzaten.

TARIFA-ERANSKINA

I. EPIGRAFEA.- KIROL-INSTALAZIOAK

I.1. Kirol-pista estalia, trinketa edo erabilera anitzeko aretoa:	
I.1.1. Lehen ordua, aldagelak erabilia	36,50 euro
I.1.2. Bigarren ordua eta hurrengoak	7,95 euro
Baldin eta kirol-pista estalia edo erabilera anitzeko aretoa bi talde edo gehiagok erabiltzen badute batera, tarifa hainbanatuko dute beren artean.	
I.1.3. Epigrafe honetako I.1.1. eta I.1.2. kontzeptuak direla-eta aplikagarri diren tarifak aparte utzirik, kirol-pista estalia denboraldi osoan zehar jendaurrean egitekoak diren lehiaketetako partidak –halakoak doan izanik ere–, jokatzeko erabiltzen duten klub edo elkarteek honako zenbateko hau ordainduko dute, aldi bakar batez eta kirol-pista estalia denboraldi bakoitzeko erabiltzeagatik, kuota berezi gisara	251,80 euro
I.1.4. Jendaurrean egitekoak diren noizbehinkako kirol-jarduera eta -ikuskitzak, horiek doanekoak badira, ekitaldi edo emanaldi bakoitzeko,	366,30 euro
I.1.5. Jendaurrean sarrera kobratuta egitekoak diren noizbehinkako kirol-jarduera eta -ikuskitzak, ekitaldi edo emanaldi bakoitzeko,	920,80 euro
I.1.6. Kirolez besteko erabilerak	
- Jendaurrean egitekoak diren jarduera eta ikuskizunak, horiek doan izanik ere, ekitaldi edo emanaldi bakoitzeko,	920,80 euro
- Muntatze eta desmuntatzeko egun bakoitzeko	347,95 euro
I.1.7. Murriztapenak (I.1.1., I.1.2. eta I.1.3. epigrafeetarako oharra): Kirol-pista estalia edo erabilera anitzeko aretoa erabiltzen dituzten klub edo elkarteek honako murriztapen-ehuneko hauek izanen dituzte hobari, kirol-denboraldian barna (irailaren 15etik ekainaren 15era) guztira erabilutako orduen kopuruaren arabera:	
- 1.000 ordutik goitik erabilia	% 40
- 751 eta 1.000 ordu bitarte erabilia	% 30
- 751 eta 750 ordu bitarte erabilia	% 20
- 500 eta 750 ordu bitarte erabilia	% 10

I.2. Muskulazio-gela. Banan-banako erabilera, aldagela erabiltzeko eskubidea barne	
I.2.1. Pertsona eta ordu bakoitzeko,	3,20 euro
I.2.2. 20 aldiz erabiltzeko abonamendua, pertsona eta ordu bakoitzeko,	56,05 euro

I.3. Trinketaren banakako erabilera, aldagela erabiltzeko eskubidea barne, pertsona eta orduko:	5,50 euro
---	-----------

I.4. Kanpoko kirol-pistak	
I.4.1. Lehen ordua, aldagelak erabilia	20,55 euro
I.4.2. Bigarren ordua eta hurrengoak, edo lehenbiziko ordua aldagelarik gabe	3,30 euro
I.4.3. Pista osoa erabiltzea, hezkuntza- edo kultura-ekitaldietarako	74,25 euro
- Muntatze eta desmuntatzeko egun bakoitzeko	74,25 euro
Instalazio horiek aparteko jarduerak egiteko lagatzeak berekin badakar udal-langile gehiago aritu behar izatea, dagokien prezio publikoaz gain 22,80 euro ordaindu beharko dira langile eta ordu bakoitzeko.	

II. EPIGRAFEA.- KIROLGUNEAK

II.1. Igeritokiak eta instalazio osagarriak udako denboraldian (ekainak 15 – irailak 15)	
II.1.1. Egundateko sarrera, lan egunetan: Lanegunetan:	
- 2 – 14 urte	2,70 euro
- 14 – 25 urte	3,05 euro
- 25 – 65 urte	4,45 euro
- 65 urtetik gora	2,70 euro

II.1.2. Egun bateko sarrerak, jaiegunetan eta sanferminetan	
- 2 – 14 urte	2,70 euro
- 14 – 25 urte	3,90 euro
- 25 – 65 urte	5,50 euro
- 65 urtetik gora	2,70 euro
II.1.3. Denboraldirako abonamenduak	
- 2 – 14 urte	40,30 euro
- 14 – 25 urte	60,50 euro
- 25 – 65 urte	80,75 euro
- 65 urtetik gora	40,30 euro
II.2. Igerileku estalia eta instalazio osagarriak, Iturramako Civivox zentroko bainuetxea barne. Neguko denboraldia (urtarrilaren 1etik abenduaren 31ra, udako denboraldia kenduta)	
II.2.1. Egun bateko sarrerak:	
- 2 – 14 urte	3,85 euro
- 14 – 25 urte	3,90 euro
- 25 – 65 urte	5,50 euro
- 65 urtetik gora	3,85 euro
II.2.2. Denboraldirako abonamenduak	
- 2 – 14 urte	119,60 euro
- 14 – 25 urte	166,15 euro
- 25 – 65 urte	238,65 euro
- 65 urtetik gora	119,60 euro
II.2.3. Beste hainbat zerbitzu: Igerilekuko kale bat ordu batez alokatzea, betiere Udalaren interesekotzat jota aurretik baimendu bada	
- Lehen ordua	44,60 euro
- Bigarren ordua eta hurrengoak	7,95 euro
II.3. Instalazioak urte osoan erabiltzeko abonamenduak (urtarrilak 1- abenduak 31)	
II.3.1.- 30 eguneko abonamenduak (ondoaz ondoko egun naturalak, mugaeguna abenduaren 1a izanda)	
- 2 – 14 urte	20,65 euro
- 14 – 25 urte	32,15 euro
- 25 – 65 urte	41,35 euro
- 65 urtetik gora	20,65 euro
II.3.2.- 90 eguneko abonamenduak (ondoaz ondoko egun naturalak, mugaeguna urriaren 1a izanda)	
- 2 – 14 urte	51,60 euro
- 14 – 25 urte	80,40 euro
- 25 – 65 urte	103,40 euro
- 65 urtetik gora	51,60 euro
II.3.3.- 180 eguneko abonamenduak (ondoaz ondoko egun naturalak, mugaeguna uztailearen 1a izanda)	
- 2 – 14 urte	71,45 euro
- 14 – 25 urte	99,50 euro
- 25 – 65 urte	143,05 euro
- 65 urtetik gora	71,45 euro
II.3.4.- Urteko abonamenduak (urtarrilak 1 – abenduak 31)	
- 2 – 14 urte	122,55 euro
- 14 – 25 urte	170,65 euro
- 25 – 65 urte	245,25 euro
- 65 urtetik gora	122,55 euro
II.4.- Murriztapenak:	
II.4.1.- Honako hauek zer sarrera eta abonamendu erosi eta horien zenbateko osoaren gaineko % 50eko murriztapena lortuko dute:	
a) Familia ugariak eta guraso bakarrekoen kideak.	
b) Legez aitortuta % 33ko desgaitasuna edo handiagoa duten pertsonak.	

<p>c) Terrorismoaren biktima-izaera epai edo administrazio-ebazpen baten bitartez aitortua duten pertsonak, beren gurasoak, seme-alabak eta ezkontideak edo bikotekide egonkorak.</p> <p>d) Etxeko genero-indarkeria fisikoaren edo psikikoaren biktima-izaera epai baten bitartez aitortua duten pertsonak, beren gurasoak, seme-alabak eta ezkontideak edo bikote egonkorak –betiere epaiak delituaren erantzule kriminalak jo ez baditu horiek–.</p> <p>e) Bereak ez diren familiek hartuak izan diren pertsonak, ebazpen judizial zein erabaki baten edo Familiaren eta Adingabeen Zuzendariordetzaren edo pertsona hori babesteko ardura duen entitate publikoaren oniritziaren bitartez hartuak izan badira.</p> <p>f) 0-3 urte zikloetako eta derrigorrezko hezkuntzako ikasleak, instalaziora ikastetxearekin badoaz.</p> <p>Epigrafe honetan ezarritako murriztapen bat baino gehiago jasotzeko eskubiderik edukiz gero, murriztapenak ezinen dira metatu.</p>	
<p>II.4.2. % 10eko murriztapena edukiko dute 30 urtetik beherakoek eta langabetuek erosten dituzten abonamenduen guztizko zenbatekoan. Murriztapen hori ez da metagarria izanzen zer beste deskontutarako eskubide eduki eta horiekin.</p>	
<p>II.4.3. Murriztapenak errentaren arabera.</p>	
<p>Familia-unitatearen diru-sarrerak</p>	<p>Murriztapen-ehunekoa</p>
<p>Gizarteratze Errentaren ≤ % 100</p>	<p>% 90</p>
<p>Gizarteratze Errentaren ≤ % 200</p>	<p>% 50</p>
<p>(GE: Gizarteratze Errenta edo hori ordeztu dezakeen adinako laguntza bermatua)</p>	
<p>II.4.1, II.4.2 eta II.4.3 epigrafeetako murriztapenak aplikagarriak dira I.2., I.3, II.1, II.2 eta II.3 epigrafeetan.</p>	
<p>II.4.1 eta II.4.3 epigrafeetako murriztapenak elkarrekin bateraezinak dira, eta metaezinak.</p>	
<p>Abonamendu-mota guztien erabiltzaileek ordainketa zatikatuta baliatu ahalko dute, bitan ordainduta, abonamendu-aldiaren hasieran eta erdialdean.</p>	
<p>II.5. Txartel berriak:</p>	
<p>- Udaleko akreditazio-txartela galduz gero, hori berriro egitea, txartela bakoitzeko,</p>	<p>11,20 euro</p>

III. EPIGRAFEA.- ESKOLETAKO ARETOAK ETA INSTALAZIOAK (JOAQUÍN MAYA MUSIKA ESKOLA BARNE)

III.1 Ikasgelak eta erabilera anitzeko aretoak	
- Ordu bakoitzeko	4,45 euro
III.2. Areto Nagusia	
- Ordu bakoitzeko	20,05 euro
III.3. Eskoletako kirol-instalazioak	
III.3.1. Kanpoko kirol-pistak	
- Lehen ordua, aldagelak erabilia	14,50 euro
- Bigarren ordua eta hurrengoak, edo lehenbiziko ordua aldagarik gabe	3,20 euro
- Hezkuntza- eta kultur-jarduerak, eguneko,	72,90 euro
- Muntatze eta desmuntatzeko egun bakoitzeko	72,90 euro
III.3.2. Gimnasioak	
- Kirol-erabilera, lehenbiziko orduan, aldagelak ere erabiliz, ikastetxe guztietan	23,45 euro
- Kirol-erabilera, lehenbiziko ordua eta hurrengoetan, aldagelak ere erabiliz, ikastetxe guztietan	7,75 euro
- Hezkuntza- eta kultur-jarduerak, eguneko,	84,05 euro
- Muntatze eta desmuntatzeko egun bakoitzeko	84,05 euro
III.4.- Ikasgela bertan instrumentua erabilia, Joaquín Maya Musika Eskolan	
- Lehen ordua	10,40 euro
- Bigarren ordua eta hurrengoak	4,45 euro
Kontserbatorio profesionaletako edo goi-mailako kontserbatorioetako ikasleei % 75eko murriztapena egingen zaie haietan matrikulaturik egon bitartean.	
III.5. Murriztapenak (III.1, III.2 eta III.3 epigrafeetarako oharra)	
Instalazio horiek aparteko jarduerak egiteko lagatzeak berekin badakar udal-langile gehiago aritu behar izatea, dagokien prezio publikoaz gain 22,40 euro ordaindu beharko dira langile eta ordu bakoitzeko.	
Prezioa % 75 murriztuko zaie irabazi-asmorik gabekoak izan eta Elkarteen Udal Erregistroan izena emana duten auzo-elkarteei, baldin eta, dena delako auzoan ekipamendu publiko egokirik ez izateagatik, Udalak baimendutako jarduerak egiteko eskatu badute erabilera, eta, betiere lokala edo instalazioa libre badago.	